



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 38. Abbas Gelasius Theodosio adversatur.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. A. C. 452. conversatus, decreto Concilii Calcedo-
nensis consensit, & Theodosii Commu-
nioni cum aliis quatuor Anachoretis, Pe-
tro, cui Cognomentum, *Tournit*, Mar-
co, Jullone, & Silvano, renunciavit. Ge-
rasimus in loco, non ultra quartam Leu-
cæ partem a fluvio distante, Lauram, &
Monasterium ædificavit. Laura septua-
ginta cellulis, interposito semper spatio
separatis, constituebatur, in medio stabat
Monasterium, Novitiorum, & juniorum
fratrum habitationi destinatum; in cel-
lulis Monachi, qui ad altiorem perfectio-
nis gradum ascenderant, degebant. Soli
in singulis cellis per quinque Hebdoma-
dæ dies, scilicet a Die Lunæ, usque ad
Diem Veneris permanebant, & exeuntes,
ostium relinquebant apertum, ut indica-
rent, se nihil habere, quo non & alii uti
possent, si vellent. Diebus Sabbati, &
Dominicis, ad Communionem in Mona-
sterium se conferebant. S. Gerasimus
obiit anno 474. septima Martii, qua die
Ecclesia ipsius memoriam agit.

vita S. Cy-
priac. p. 107.
Martyr. R.
5. Mart.

§. XXXVIII.

Abbas Gelasius Theodosio adversatur.

Cotel. Mon. Gr. tom. 1. p. 415. Inter illos, qui pro Concilio Calcedo-
nensi steterunt, & magno animo caput
furenti Theodosio objecerunt, Gelasius
Abbas fuit. Theodosius Schismatis sui
initio ad Gelasii Monasterium delatus, in
Conci-

Concilii Patres invectus est, quod Nesto-
rii Hæresin sua Auctoritate firmassent. Sæculum V.
A. C. 452.

Gelasius, nullatenus ignorans, qualis es-
set Theodosius, parvulum, ex suis Disci-
pulis unum, quem, casu extinctum, ad
vitam revocaverat, secum adduxerat, re-
sponditque Theodosio: *si de Fide dispu-
tandi prurigine laboras, hic habes, qui
tibi respondeat; mihi vero ad te audien-
dum sane otium est.* His Theodosius non
sine suo rubore discessit. Postea, cum
Sedem Jerosolymitanam usurpasset, Ab-
batem Gelasium ad se accersitum, blan-
ditis simul, & minis aggreditur; in San-
ctuarium deducto, minaciter imperat in
hæc verba: *Juvenalem anathematiza!*
Gelasius, imperterritus, respondit: *Episco-
pum Jerosolymitanum alium non novi, nisi
Juvenalem.* Timuit Theodosius, ne viri
exemplum plures alios excitaret, jussit-
que, ut Ecclesia expelleretur. Tunc Schis-
matici Abbatem corripunt, comporta-
tatis circa eum lignis, rogam extruunt,
minantur, se vivum combusturos; sed
ubi satis explorassent, majori animo vi-
rum esse, quam ut terreri posset, populi
furorem, nam de Sanctitate Gelasii apud
omnes ingens opinio erat, reformidarunt,
& dimiserunt liberum.

416.

Quam liberali Indole fuerit Gelasius *ibid. p. 410.*
ex facto, quod sequitur, elucet. Librum
habebat, in membrana scriptum, qui an-
tiquum,

XX 2

tiquum,

Sæculum V.
A. C. 452.

tiquum, & novum Testamentum comple-
tebatur, atque octodecim aureis, seu cen-
tum quadraginta quatuor libris æstimaba-
tur; hunc in Ecclesia, ut omnibus Fratri-
bus usui esse possit, deposuerat. Cum
eundem Monachus peregrinus furto ab-
stulisset, quamvis S. Senex furem notaf-
set, dissimulavit, nec eum est persecutus.
Fur autem, Civitatem ingressus, empto-
rem quærebat, & libri pretium sedecim
aureos pronuntiabat. Adest emptor, pe-
titque prius librum examinandi licen-
tiam, qua facta, codicem ad Abbatem
Gelasium defert, interrogat, an tanti
emendus esset, quantum venditor pete-
bat? Respondit Abbas Gelasius: *eme!*
pulcherrimus est codex, nec caro emes. Re-
versus emptor ad venditorem dixit: *osten-*
di librum Abbati Gelasio; respondit hoc
pretio carum esse, nec tot aureos valere.
Venditor: *an Abbas Gelasius nihil aliud*
addidit? Respondit emptor: *nihil.* Tum
venditor: *jam nolo vendere;* & poeniten-
tia motus Gelasium adit, volens reddere
librum, quem vir Sanctus accipere re-
cusavit. Dixit Monachus: *nisi accipias,*
nunquam quietus vivam. Ergo accepit.
Hoc Gelasii facto conversus hospes ei-
dem usque ad obitum suum adhæsit.